

III. OUTRAS DISPOSICIÓNS

VICEPRESIDENCIA DA IGUALDADE E DO BENESTAR

Orde do 13 de marzo de 2008 pola que se regula a oferta de prazas xuvenís dentro do programa Campaña Verán-2008 e se procede á súa convocatoria.

A Vicepresidencia da Igualdade e do Benestar, a través da Dirección Xeral de Xuventude e Solidariedade, leva a cabo a promoción e organización de actividades de animación sociocultural destinadas á xuventude no ámbito do ocio e o tempo libre.

Asumidas as competencias neste eido polo Decreto 146/1982, do 1 de decembro, e consciente esta Vicepresidencia da importancia que ten facilitar canles polas que a xuventude poida participar neste tipo de actividades, é polo que este ano, igual ca en anos anteriores, se convoca a Campaña Verán-2008.

A oferta da Campaña Verán-2008 comprende, ademais daquelas que se desenvolven na Comunidade Autónoma galega, actividades de ámbito nacional, que teñen lugar noutras comunidades autónomas de España.

A Vicepresidencia da Igualdade e do Benestar, a través da Dirección Xeral de Xuventude e Solidariedade, pretende desta forma atender a demanda individual, cada día máis crecente, de mozos e mozas no eido do ocio e o tempo libre.

Por todo isto,

DISPOÑO:

Artigo 1º.-Obxecto.

1. Co obxectivo de facilitarlle á xuventude a participación en actividades de tempo libre, a Vicepresidencia da Igualdade e do Benestar, a través da Dirección Xeral de Xuventude e Solidariedade, oferta un plan xeral de actividades que se detalla no anexo I desta orde.

As diferentes actividades que integran esta oferta xeral levaranse a cabo tanto en Galicia como nas comunidades autónomas de España, en diferentes quendas de entre unha semana e quince días de duración durante os meses de xullo e agosto.

2. A información sobre a convocatoria desta campaña, así como de cada actividade e instalación xuvenil onde se desenvolverá, atoparase detallada na páxina web www.xuventude.net. Ademais, os interesados poden solicitar folletos informativos da convocatoria na Dirección Xeral de Xuventude e Solidariedade, nos servizos e oficinas locais de xuventude das delegacións provinciais da Vicepresidencia da Igualdade e do Benestar, nas oficinas e puntos de información xuvenil da rede galega de información e documentación xuvenil, no Centro Coordinador de Información e Documentación Xuvenil, nas oficinas de información administrativa e atención ao cidadán e no teléfono xove (902 15 25 35).

Artigo 2º.-Servizos ofertados.

1. A participación na oferta da Campaña Verán-2008 realizarase a través de inscrición individual ou múltiple (para os supostos de dous, tres ou catro irmáns). Os participantes disporán dos seguintes servizos:

a) Un programa de actividades de carácter socio-cultural, recreativo, formativo e convivencial, que posibilite a participación da/o moza/o.

b) Aloxamento en albergue xuvenil, residencia xuvenil ou campamento xuvenil.

c) Manutención en réxime de pensión completa.

d) O material necesario para a actividade.

e) Un equipo técnico de persoal especializado en animación sociocultural e actividades de tempo libre e actividades náuticas, se é o caso.

f) Atención sanitaria de primeiros auxilios e seguro de accidentes.

g) Nas actividades desenvolvidas noutras comunidades autónomas inclúese o transporte desde Santiago de Compostela ata o lugar de destino, así como o retorno ata Santiago de Compostela.

2. A incorporación aos campamentos e albergues de Galicia será por conta do interesado o día de inicio da quenda correspondente, entre as 16.00 e as 19.00 horas. Non se admitirá ningún participante despois deste límite.

Cabe destacar que nas actividades que se leven a cabo noutras comunidades autónomas, será por conta do interesado o traslado desde o seu domicilio ata Santiago de Compostela, tanto o día de saída para a actividade coma o día de chegada desta. No suposto de expulsión da/o participante, os gastos ocasionados para o seu regreso ao domicilio serán por conta dos pais ou titores.

Artigo 3º.-Participantes.

1. Poden solicitar a súa participación nas actividades ofertadas nesta convocatoria os mozos e mozas nados no ano sinalado no anexo I para cada actividade.

2. En canto á idade mínima e máxima para participar na Campaña de Verán-2008, cómpre destacar o seguinte:

-Os nados no ano 90 non poderán cumprir 18 anos antes da finalización do campamento.

-Os nados no ano 99 deberán ter cumpridos 9 anos ao inicio do campamento.

3. O incumprimento destas normas dará lugar á non admisión da solicitude.

Artigo 4º.-Tipos de solicitude.

1. A solicitude pode ser individual ou múltiple (para o suposto de dous, tres e ata catro irmáns).

A solicitude múltiple só se poderá empregar para o suposto de solicitude de irmáns que vaian á mesma instalación e á mesma quenda. Estas solicitudes

teñen efecto durante o sorteo para a adxudicación da praza e para xerar as listas de espera, pero no momento das adxudicacións desde a lista de espera xa se teñen en conta como individuais.

2. Presentación de solicitudes.

A presentación da solicitude poderá facerse, á elección do solicitante, por vía escrita ou por vía telemática:

a) Vía escrita:

As solicitudes deberán formularse no impreso que se indica no anexo II desta orde, que poderán solicitar nos servizos que especifica o artigo 1.2º ou ben descargar e cubrir directamente desde a páxina web www.xuventude.net, para logo presentar a través de rexistro.

A dita solicitude e mais a documentación requirida dirixiranse ao director xeral de Xuventude e Solidariedade e poderá presentarse no Rexistro Xeral da Vicepresidencia da Igualdade e do Benestar, nos rexistros das súas delegacións provinciais ou por calquera dos medios establecidos no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común. Todas aquelas persoas que presenten a súa solicitude a través do procedemento do portelo único dos concellos, ou por correo ordinario, deberán remitir, unha vez rexistrada, unha copia dela por fax ao número 981 54 58 43.

Non serán admitidas aquelas solicitudes presentadas vía fax.

b) Vía telemática:

A vía telemática establécese como un mecanismo de presentación nun único trámite para aqueles solicitantes que reúnan os seguintes requisitos:

-Os solicitantes deberán posuír un certificado dixital baixo a norma X.509.V3 expedido pola Fábrica Nacional de Moeda e Timbre, Real Casa da Moeda.

Poderá accederse a esta vía de presentación a través da aplicación informática establecida no enderezo da internet: <http://www.xunta.es/servizos>, onde se disporán os medios de axuda para a presentación de solicitudes.

Unha vez asinada a solicitude co certificado dixital do solicitante, procederase á transferencia telemática desa documentación ao Rexistro Telemático da Xunta de Galicia, creado polo Decreto 200/2003, do 20 de marzo.

3. Cubrir a solicitude.

Os impresos de solicitude deben ser cubertos de acordo coas seguintes normas:

a) Cada mozo ou moza só poderá cubrir unha solicitude elixindo, por orde de prioridade, un máximo de cinco quendas ou actividades. (Cada quenda ou actividade vai identificada cun código no anexo I desta orde).

b) Os datos do solicitante deben ser os da moza ou do mozo que opta a participar nas actividades. No caso de solicitudes múltiples deberán cubrirse os datos de todos os irmáns que soliciten a súa participación.

c) As solicitudes deberanas asinar os/as pais/nais ou titores dos menores solicitantes.

d) Se o solicitante é galego non residente en Galicia, na súa solicitude debe figurar para as comunicacións, un enderezo nesta comunidade autónoma.

e) A duplicidade dunha solicitude dará lugar á inadmisión de ambas, e quedará o solicitante fóra do sorteo.

O interesado poderá comprobar a recepción da súa solicitude a partir do 21 de abril no Teléfono Xove 902 15 25 35 e na páxina web www.xuventude.net.

Artigo 5º.-Prazo.

O prazo de presentación de solicitudes iniciárase o día seguinte ao da publicación desta orde no *Diario Oficial de Galicia* e rematará o día 11 de abril de 2008.

Artigo 6º.-Adxudicación de prazas.

A adxudicación das prazas realizarase da seguinte forma:

1. Por adxudicación directa, no caso de que a demanda non supere o número de prazas dispoñibles.

2. Por sorteo, por medios informáticos, no suposto de que o número de solicitudes supere o número de prazas dispoñibles.

Neste caso o sorteo realizarase, ante notario, o día 5 de maio de 2008, ás 12.00 horas, no salón de actos número un, sito na planta baixa das dependencias da Consellería de Presidencia, Administracións Públicas e Xustiza en Santiago de Compostela.

Mediante este sorteo cubriranse as prazas nas distintas actividades que especifica o anexo I desta orde. Destacar que se lle dará prioridade no sorteo a aqueles solicitantes que non obtiveron praza no sorteo das actividades do ano pasado.

Así mesmo, dará lugar a unha lista de espera para cada unha das actividades. Esta lista xerarase dunha forma aleatoria, mediante sistema informático, unha vez realizado o sorteo e colocando a cada participante unicamente nunha lista de espera para un campamento concreto, de entre os que solicitou entre as cinco opcións. O número de reservas en cada actividade será do 50% das prazas convocadas.

3. A Dirección Xeral de Xuventude e Solidariedade fará público o resultado do sorteo, incluídas as listas de espera, e confeccionará a correspondente lista de admitidos para cada quenda e actividade. A comunicación do resultado do sorteo para os participantes seleccionados levarase a cabo vía SMS e correo electrónico ao número de teléfono e conta de correo especificados na solicitude e a lista de admitidos será exposta a partir do día 6 de maio de 2008 na

Dirección Xeral de Xuventude e Solidariedade, no Rexistro Xeral da Vicepresidencia da Igualdade e do Benestar, nos rexistros e servizos de Xuventude e Solidariedade das súas delegacións provinciais, no Centro de Información Administrativa e Atención ao Cidadán de Santiago de Compostela, no Teléfono Xove 902 15 25 35 e na páxina web www.xuventude.net.

Artigo 7º.-*Documentación.*

Os participantes seleccionados deberán presentar, desde o día seguinte ao da data de exposición das listas e ata o día 21 de maio de 2008, na delegación provincial da Vicepresidencia da Igualdade e do Benestar da provincia onde se vai desenvolver a actividade, ou na Dirección Xeral de Xuventude e Solidariedade, no caso das actividades que se realicen fóra da Comunidade Autónoma de Galicia, a seguinte documentación:

- Xustificación de pagamento (impreso oficial).
- Fotocopia do DNI ou da folla correspondente do libro de familia.
- Fotocopia do documento de afiliación á Seguridade Social ou seguro médico privado.
- Cuestionario médico-sanitario (anexo III).
- Declaración responsable de que sabe nadar.
- Fotocopia compulsada do título de familia numerosa, de ser o caso.
- Fotocopia do Carné Xove ou Carné Máis, de ser o caso.

Artigo 8º.-*Adxudicación de prazas ás listas de espera.*

1. As vacantes que se produzan por non presentar a documentación, por presentala fóra do prazo establecido ou por renunciar á praza obtida no sorteo, seránlles ofrecidas desde o día 2 de xuño aos solicitantes que figuran nas listas de espera correspondentes. No caso de que se produzan baixas, a Dirección Xeral de Xuventude e Solidariedade ou o Servizo de Xuventude correspondente contactarán, seguindo a orde de lista, cos suplentes mediante chamada telefónica. Realizaranse 3 chamadas entre as 9.00 e 15.00 horas que quedarán rexistradas para a súa constancia. De non contactar co interesado, este será dado de baixa e procederase a chamar ao seguinte na lista de espera. Unha vez recibida a comunicación e aceptada a praza ofrecida, deberán presentar a documentación sinalada no artigo 7º nun prazo de 48 horas.

2. No caso de non presentar a mencionada documentación no prazo indicado, a praza será ofertada ao seguinte da lista de espera.

Artigo 9º.-*Adxudicación das prazas de resultas.*

1. As prazas vacantes que non se cubren polos procedementos de adxudicación establecidos nos artigos 6º e 8º desta orde, serán ofertadas a partir do día 13 de xuño e ata o día 24 de xuño, inclusive. Estas prazas estarán expostas na páxina web www.xuventude.net.

Para estes efectos, poderá solicitar as prazas vacantes toda persoa que cumpra os requisitos do ano de nacemento a que se fai mención no artigo 3º desta orde.

2. Para solicitar as prazas de resultas, o interesado poderá efectuar a oportuna reserva da praza, no caso de que existan vacantes, por teléfono a través de calquera Servizo de Xuventude e Solidariedade das delegacións provinciais da Vicepresidencia da Igualdade e do Benestar ou da Dirección Xeral de Xuventude e Solidariedade.

Cada persoa só poderá facer a reserva, como máximo, de catro prazas para catro participantes.

A reserva de prazas poderase efectuar en horario de 9.00 a 14.00 horas, en días laborables agás os sábados.

3. Unha vez efectuada a reserva de praza, o interesado disporá dun prazo máximo de 48 horas para presentar o impreso que se indica no anexo II desta orde, debidamente cuberto, e a documentación relacionada no artigo 7º.

Esta documentación poderá presentala en calquera das oficinas anteriormente relacionadas. En caso contrario, perderá o dereito á praza reservada.

4. No anexo IV indícanse os enderezos e teléfonos das oficinas administrativas a través das que se pode efectuar a oportuna reserva de praza, para os efectos do disposto neste artigo.

Artigo 10º.-*Prezos.*

1. Os prezos de aplicación para cada actividade e quenda aparecen detallados no anexo I desta orde, de acordo co sinalado na Orde do 10 de xaneiro de 2008 (DOG nº 18, do 25 de xaneiro).

2. Os membros de familia que teñan o título de numerosa terán un desconto do 50% sobre os prezos que aparecen detallados no anexo I desta orde. Circunstancia que debe ser acreditada coa presentación dunha fotocopia compulsada do título de familia numerosa vixente.

3. Os usuarios do Carné Xove ou do Carné Máis gozarán dun desconto do 25% sobre os prezos que aparecen detallados no anexo I desta orde. Circunstancia que debe ser acreditada coa presentación dunha fotocopia do Carné Xove ou Máis, vixente.

4. Os descontos citados nos dous puntos anteriores en ningún caso serán acumulables.

Artigo 11º.-*Devolucións de cotas.*

1. Se unha vez obtida a praza e aboado o prezo correspondente o interesado non puidese asistir á actividade, só terá dereito á devolución deste no caso de que comunique a renuncia á praza por escrito e solicite a devolución da cantidade aboada polo menos vinte días naturais antes do inicio da actividade, ou cando por causas non imputables ao interesado non se preste o servizo ou a Administración anule a actividade (Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia e Decreto lexislati-

vo 172/1992, do 26 de xuño, polo que se ditan normas para a xestión da liquidación e recadación das taxas e prezos públicos da Comunidade Autónoma de Galicia).

2. Todas aquelas solicitudes de devolución de cota que non sexan presentadas, tal e como se reflexa no punto anterior, polo menos vinte días naturais antes do inicio da actividade, serán denegadas independentemente da causa xustificativa que se alegue na respectiva solicitude de devolución de cota.

3. Para estes efectos, os interesados dispoñen dun modelo normalizado de solicitude de devolución de cota de participación anexo a esta orde (anexo V), que tamén poderán solicitar na Dirección Xeral de Xuventude e Solidariedade e nos servizos de Xuventude e Solidariedade das delegacións provinciais da Vicepresidencia da Igualdade e do Benestar.

4. A solicitude deberá dirixirse ao/á delegado/a provincial da Vicepresidencia da Igualdade e do Benestar da provincia onde se vai desenvolver a actividade, ou ao director xeral de Xuventude e Solidariedade no caso das actividades que se desenvolvan fóra da Comunidade Autónoma de Galicia, que serán os órganos encargados de resolver en cada caso.

Artigo 12º.-*Protección de datos.*

De conformidade coa Lei orgánica 15/1999, de protección de datos persoais, a través dos datos recopilados nos diferentes anexos desta orde, préstase o seu consentimento á incorporación dos datos persoais achegados a un ficheiro titularidade da Dirección Xeral de Xuventude e Solidariedade e inscrito na Axencia Española de Protección de Datos, cuxas finalidades son: obter unha base de datos co obxecto

de resolver posteriormente as solicitudes de praza nos mencionados campamentos, recompilar datos sanitarios -a través dun cuestionario médico-sanitario- para acadar un coñecemento previo co obxecto de previr situacións de risco excepcionais derivadas de circunstancias persoais que condicionen dalgún xeito o desenvolvemento da actividade e recompilar os datos bancarios co obxecto de proceder á devolución das cantidades aboadas polo interesado en caso de renuncia á actividade e/ou ingreso erróneo. A Dirección Xeral de Xuventude e Solidariedade, como responsable do ficheiro, comprométese a respectar a confidencialidade da información de carácter persoal e a garantir o exercicio dos dereitos de acceso, rectificación, cancelación e oposición, que se poderán exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III 1º, 15781 Santiago de Compostela, ou ben enviando un correo electrónico ao seguinte enderezo: lopd.xuventude@xunta.es.

Disposicións derradeiras

Primeira.-Facúltase o director xeral de Xuventude e Solidariedade para ditar, no ámbito das súas competencias, as resolucións precisas para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 13 de marzo de 2008.

Anxo M. Quintana González
Vicepresidente da Igualdade e do Benestar

ANEXO I Campamentos de verán-2008

Instalación xuvenil	Actividade	Data	Ano nacemento	Importe praza	Código
Alb. Xuv. Mariña Española	A miña primeira aventura	1-8/07	97-98-99	92 €	150001
		8-15/07	97-98-99	92 €	150002
		15-22/07	97-98-99	92 €	150003
		22-29/07	97-98-99	92 €	150004
		1-8/08	97-98-99	92 €	150005
		8-15/08	97-98-99	92 €	150006
	Deporte e recreación	17-31/08	95	180 €	150007
Alb. Xuv. Gandarío	Acampagaia	1-15/07	96-97	180 €	150008
	Acampagaia	1-15/08	94-95	180 €	150009
	Actividades no mar	1-15/07	94-95	188 €	150010
	Actividades no mar	16-30/07	94-95	188 €	150011
	Vela e táboa	16-30/07	90-91-92	188 €	150012
	Actividades no mar	1-15/08	94-95	188 €	150013
	Vela e táboa	1-15/08	90-91-92	188 €	150014
	Actividades do mar	17-31/08	94-95	188 €	150015
	Vela e táboa	17-31/08	90-91-92	188 €	150016
Camp. Xuv. Furelos	En canoa pola ría de Ares e Betanzos	16-30/07	90-91-92	168 €	150017
		1-15/07	94	168 €	150018
		16-30/07	90-91-92	168 €	150019
		1-15/08	94	168 €	150020
Camp. Xuv. Virxe de Loreto	Actividades náuticas	1-15/07	93-94	168 €	150021
		17-31/07	93-94	168 €	150022
		1-15/08	90-91-92	168 €	150023

Instalación xuvenil	Actividade	Data	Ano nacemento	Importe praza	Código
Camp. Xuv. Espiñeira	Campamento de teatro	1-15/07	96-97	143 €	150024
		16-30/07	96-97	143 €	150025
Alb. Xuv. Area	Actividades no mar: vela, táboa, esquí acuático, <i>wake board</i> e aula de natureza mariña	1-15/07	93-94	188 €	270001
		17-31/07	90-91-92	188 €	270002
		1-15/08	93-94	188 €	270003
		17-31/08	93-94	188 €	270004
Alb. Xuv. Benigno Quiroga	Xogando no encoro. A nosa primeira aventura	29/06-5/07	97-98-99	92 €	270005
		6-12/07	97-98-99	92 €	270006
		13-19/07	97-98-99	92 €	270007
		20-26/07	97-98-99	92 €	270008
		27/07-2/08	97-98-99	92 €	270009
		3-9/08	97-98-99	92 €	270010
10-16/08	97-98-99	92 €	270011		
Camp. Xuv. A Devesa	Acampada ao carón do mar	4-13/07	96-97	82 €	270013
	Devesa Aventura	17-31/07	94-95	143 €	270014
	Campamento Sinte Galiza	18-27/07	96-97	82 €	270015
	Unha viaxe a través do tempo	1-10/08	96-97	82 €	270016
	Campamento Sinte Galiza	6-15/08	96-97	82 €	270017
Camp. Xuv. Os Chacotes	Multiaventura nos Chacotes	17-31/07	93-94	143 €	270018
	Aventura - T	1-15/08	94-95	143 €	270019
Complexo Res. Xuv. LUG	Campamento de teatro	1-15/08	90-91-92	180 €	270020
Camp. Xuv. Penedos de Xacinto	Aventura e deporte	1-15/07	97-98-99	143 €	320001
		16-30/07	94-95	143 €	320002
		1-15/08	93-94	143 €	320003
	Portugaliza	17-31/08	90-91-92	143 €	320016
Colexio Guillermo Brown	Contos e lendas	1-15/08	97-98-99	180 €	320004
Universidade Laboral	Campamento de fútbol	1-10/07	94-95	120 €	320005
		11-21/07	94-95	120 €	320006
Alb. Xuv. Os Biocos de San Xoán de Río	Camp. temático dos castrexos aos romanos	1-15/07	93-94	180 €	320007
	Camp. temático dos castrexos aos romanos	16-30/07	97-98-99	180 €	320008
	Aventura, aire libre e ambiente	1-15/08	95-96	180 €	320009
Alb. Xuv. Grixó	Multiaventura	1-15/07	93-94	180 €	320010
		17-31/07	90-91-92	180 €	320011
		1-15/08	93-94	180 €	320012
Centro de Educación Ambiental Equal	Teatro, baile: o corpo tamén fala	1-15/07	96-97-98	180 €	320013
		16-30/07	93-94	180 €	320014
		1-15/08	96-97-98	180 €	320015
Alb. Xuv. As Sinas	Actividades no mar: vela, dorna, táboa, piragüismo, kaiak-polo e aula natureza mariña	1-15/07	93-94	188 €	360001
		16-30/07	93-94	188 €	360002
		1-15/08	93-94	188 €	360003
		17-31/08	90-91-92	188 €	360004
Camp. Xuv. Pontemaril	A miña primeira aventura	16-23/07	98	82 €	360005
		24-31/07	98	82 €	360006
	Aventura na natureza	1-15/07	96-97	143 €	360007
		16-30/07	94-95	143 €	360008
		1-8/08	97-98-99	82 €	360009
		9-16/08	97-98-99	82 €	360010
Camp. Xuv. Illa de Ons	Aventura na illa	1-15/07	95-96	143 €	360012
		16-30/07	96-97	143 €	360013
		1-15/08	95	143 €	360014

Comunidade autónoma	Instalación xuvenil	Modalidade	Ano Nacemento	Data	Prezo	Código
Álava	Alb. Xuv. Barría	Multiaventura	94-95	1-11/08	210 €	500001
	Isla de Zuataz	Náutica	93-94	1-11/08	210 €	500002
Aragón	Camp.Xuv. Canfranc	Multiaventura	90-91-92-93	2-16/07	210 €	500003
	Camp. Xuv. Oza (Huesca)	Multiaventura	93-94	2-16/07	210 €	500004
	Camp. Xuv. Oza (Huesca)	Multiaventura	93-94	2-16/08	210 €	500005
	Camp. Xuv. Moncayo	Multiaventura	94-95-96	2-16/08	210 €	500006
Cantabria	Alb.Xuv. Loredó e Alb. Xuv. Tama	Mar e montaña	90-91-92-93	17-31/07	225 €	500007
	Camp. Xuv. Tama	Montaña	93-94	17-31/07	210 €	500008
	Camp. Xuv. Ruiloba	Multiaventura	93-94	17-31/07	210 €	500009
Castilla- La Mancha	Alb. Xuv. Entrepeñas	Náutica e aventura	90-91-92	1-15/07	225 €	500010
	Camp. Xuv. Palancares	Multiaventura	93-94	1-15/07	210 €	500011
Castilla y León	Camp. Xuv. La Legoriza (Salamanca)	Multiaventura	94-95	1-15/07	210 €	500012
	Alb. Xuv. S. Martín de Castañeda (Sanabria)	Multiaventura	90-91-92	16-30/07	225 €	500013
	Alb. Xuv. San Rafael (Segovia)	Multiaventura	94-95	16-30/07	225 €	500014
Murcia	Alb. Xuv. Calarreona	Mar e natureza	90-91-92-93	16-30/07	225 €	500015
	Club Náutico de Águilas	Náutica	90-91-92-93		225 €	500016
Navarra	Alb. Xuv. Alsasua	Multiaventura	93-94	22-31/07	210 €	500017

**XUNTA DE GALICIA**VICEPRESIDENCIA DA IGUALDADE E
DO BENESTAR**ANEXO II A****SOLICITUDE INDIVIDUAL DE PRAZAS XUVENÍS DA CAMPAÑA DE VERÁN**

--	--	--	--	--	--

(Para cubrir pola Administración)

PROCEDEMENTO PRAZAS XUVENÍS, PROGRAMA CAMPAÑA DE VERÁN	CÓDIGO DO PROCEDEMENTO VP303A	DOCUMENTO SOLICITUDE
---	--	---------------------------------------

DATOS DO RESPONSABLE DO MENOR

DNI PAI/NAI/TITOR	NOME	PRIMEIRO APELIDO	SEGUNDO APELIDO
PROVINCIA	CONCELLO	ENDEREZO	
CÓDIGO POSTAL	TELÉFONO FIXO	TELÉFONO MÓBIL	CORREO ELECTRÓNICO

DATOS DO MENOR

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

INSTALACIÓNS QUE SOLICITA

CÓDIGO :	
CÓDIGO :	
CÓDIGO :	
CÓDIGO :	
CÓDIGO :	

DECLARACIÓN XURADA DO PAI / NAI / TITOR**DECLARO BAIXO A MIÑA RESPONSABILIDADE QUE SON CERTOS OS DATOS QUE FIGURAN NESTA SOLICITUDE.**

LEXISLACIÓN APLICABLE <i>Orde do 13 de marzo de 2008 pola que se regula a oferta de prazas xuvenís dentro do programa Campaña Verán-2008 e se procede á súa convocatoria.</i>	(Para cubrir pola Administración) RECIBIDO REVISADO E CONFORME	NÚMERO DE EXPEDIENTE DATA DE ENTRADA ____ / ____ / ____ DATA DE EFECTOS ____ / ____ / ____ DATA DE SAÍDA ____ / ____ / ____
SINATURA DO RESPONSABLE DO MENOR <i>Lugare data</i> , de de 200		

Director xeral de Xuventude e Solidariedade

Cubrido este formulario, dá o seu consentimento á incorporación dos datos persoais achegados a un ficheiro propiedade da Dirección Xeral de Xuventude e Solidariedade e inscrito na Axencia Española de Protección de Datos, cuxa finalidade é obter unha base de datos co obxecto de resolver posteriormente as solicitudes de praza nos mencionados campamentos. A Dirección Xeral de Xuventude e Solidariedade, como responsable do ficheiro, comprométese a respectar a confidencialidade da información de carácter persoal e garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III-Iº, 15781 Santiago de Compostela, ou ben enviando un correo electrónico ao seguinte enderezo: lop.d.xuventude@xunta.es

**XUNTA DE GALICIA**VICEPRESIDENCIA DA IGUALDADE E
DO BENESTAR**ANEXO II B****SOLICITUDE MÚLTIPLE DE PRAZAS XUVENÍS DA CAMPAÑA DE VERÁN**

--	--	--	--	--	--

(Para cubrir poa Administración)

PROCEDEMENTO PRAZAS XUVENÍS, PROGRAMA CAMPAÑA DE VERÁN	CÓDIGO DO PROCEDEMENTO VP303A	DOCUMENTO SOLICITUDE
--	---	--------------------------------

DATOS DO MENOR 1

DNI SOLICITANTE 	NOME 	PRIMEIRO APELIDO
SEGUNDO APELIDO 	DATA NACEMENTO 	

DATOS DO MENOR 2

DNI SOLICITANTE 	NOME 	PRIMEIRO APELIDO
SEGUNDO APELIDO 	DATA NACEMENTO 	

DATOS DO MENOR 3

DNI SOLICITANTE 	NOME 	PRIMEIRO APELIDO
SEGUNDO APELIDO 	DATA NACEMENTO 	

DATOS DO MENOR 4

DNI SOLICITANTE 	NOME 	PRIMEIRO APELIDO
SEGUNDO APELIDO 	DATA NACEMENTO 	

DATOS DO RESPONSABLE DO MENOR

DNI PAI/NAI/TITOR 	NOME 	PRIMEIRO APELIDO 	SEGUNDO APELIDO
PROVINCIA 	CONCELLO 	ENDEREZO 	
CÓDIGO POSTAL 	TELÉFONO FIXO 	TELÉFONO MÓBIL 	CORREO ELECTRÓNICO

INSTALACIÓNS QUE SOLICITA

CÓDIGO :	CÓDIGO :
CÓDIGO :	CÓDIGO :
CÓDIGO :	

DECLARACIÓN XURADA DO PAI / NAI / TITOR**DECLARO BAIXO A MIÑA RESPONSABILIDADE QUE SON CERTOS OS DATOS QUE FIGURAN NESTA SOLICITUDE.**

LEXISLACIÓN APLICABLE

Orde do 14 de marzo de 2008 pola que se regula a oferta de prazas xuvenís dentro do programa Campaña Verán-2008 e se procede á súa convocatoria.

SINATURA DO RESPONSABLE DO MENOR

Lugar e data

, de

de 200

(Para cubrir pola Administración)

RECIBIDO

REVISADO E CONFORME

NÚMERO DE
EXPEDIENTE

DATA DE ENTRADA

DATA DE EFECTOS

DATA DE SAÍDA

Director xeral de Xuventude e Solidariedade

Cubrinto este formulario, dá o seu consentimento á incorporación dos datos persoais achegados a un ficheiro propiedade da Dirección Xeral de Xuventude e Solidariedade e inscrito na Axencia Española de Protección de Datos, cuxa finalidade é obter unha base de datos con obxecto de resolver posteriormente as solicitudes de praza nos mencionados campamentos. A Dirección Xeral de Xuventude e Solidariedade, como responsable do ficheiro, comprométese a respectar a confidencialidade da información de carácter persoal e garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III-1º, 15781 Santiago de Compostela, ou ben enviando un correo electrónico ao seguinte enderezo: lopd.xuventude@xunta.es.

ANEXO III

CUESTIONARIO MÉDICO-SANITARIO

APELLIDOS E NOME DO PARTICIPANTE	INSTALACIÓN CONCEDIDA	DATA

INDICAR SE O SOLICITANTE SOFRE ALGÚN PROCESO ALÉRXICO
(en caso de ser afirmativo, deberán presentar certificado médico xustificativo)

¿QUÉ TIPO DE VACINAS LLE FORON SUBMINISTRADAS?

¿PADECE ALGUNHA ENFERMIDADE QUE PRECISE UN COIDADO ESPECIAL?

¿PADECE ALGUNHA ENFERMIDADE INFECTO-CONTAXIOSA?

¿PADECE ALGUNHA LIMITACIÓN FISIOLÓXICA OU

¿DE QUÉ TIPO?

GRUPO SANGUÍNEO	
-----------------	--

OUTRAS OBSERVACIÓN QUE OS PAIS OU TITORES CONSIDEREN OPORTUNO ADVERTIR

EN CASO DE URXENCIA AVISAR A

NOME E APELIDOS		PARENTESCO
PROVINCIA	CONCELLO	ENDEREZO
CÓDIGO POSTAL	TELÉFONO	TELÉFONO MÓBIL

Declaro baixo a miña responsabilidade que os datos sinalados son certos. Do mesmo xeito, autorizo as decisións médico-cirúrxicas que fose preciso adoptar en caso de extrema urxencia, baixo a adecuada dirección facultativa médica.

Lugar e data

, de de 200

O/A pai/nai ou tutor/a O/A participante
(Para menores de 18 anos)

Cubrindo este formulario, dá o seu consentimento á incorporación dos datos persoais achegados a un ficheiro propiedade da Dirección Xeral de Xuventude e Solidariedade e inscrito na Axencia Española de Protección de Datos, cuxas finalidades son: recompilar datos sanitarios -a través dun cuestionario médico-sanitario- para acadar un coñecemento previo co obxecto de previr situacións de risco excepcionais derivadas de circunstancias persoais que condicionen dalgún xeito o desenvolvemento da actividade. A Dirección Xeral de Xuventude e Solidariedade, como responsable do ficheiro, comprométese a respectar a confidencialidade da información de carácter persoal e de garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III-1º, 15781 Santiago de Compostela, ou ben enviando un correo electrónico ao seguinte enderezo: lopdxuventude@xunta.es.

ANEXO IV

-Dirección Xeral de Xuventude e Solidariedade:

Enderezo: edificio administrativo San Caetano, bloque 3, 1º-15781 Santiago de Compostela.

Teléfono: 981 54 48 40/981 99 90 25/981 54 48 51.

-Delegación Provincial da Coruña da Vicepresidencia da Igualdade e do Benestar-Servizo de Xuventude e Solidariedade:

Enderezo: r/ Durán Loriga, 9, 1º.15071 A Coruña.

Teléfono: 981 22 65 50/981 22 19 54/981 21 40 54.

-Delegación Provincial de Lugo da Vicepresidencia da Igualdade e do Benestar-Servizo de Xuventude e Solidariedade:

Enderezo: rolda Muralla, 70. 27071 Lugo.

Teléfono: 982 29 42 24/982 29 43 52/982 29 42 51.

-Delegación Provincial de Ourense da Vicepresidencia da Igualdade e do Benestar-Servizo de Xuventude e Solidariedade:

Enderezo: avda. Habana, 81 baixo. 32071 Ourense.

Teléfono: 988 38 61 18/988 38 61 20.

-Delegación Provincial de Pontevedra da Vicepresidencia da Igualdade e do Benestar-Servizo de Xuventude e Solidariedade:

Enderezo: r/ Concepción Arenal, 8-1º andar-36271 Vigo.

Teléfono: 986 81 77 81.

ANEXO V

ACTIVIDADES XUVENÍS
RENUNCIA DE PRAZA E SOLICITUDE DE DEVOLUCIÓN DE COTA

(Antes de cubrir os datos lea as instrucións ao pé de páxina)

DATOS DO SOLICITANTE (PERSONA INSCRITA)

NOME	APELIDOS	DNI
ENDEREZO	PROVINCIA	
CONCELLO	CÓDIGO POSTAL	TELÉFONO

DATOS DO REPRESENTANTE⁽¹⁾

NOME E APELIDOS	DNI		
COMO (PAI, NAI OU TITOR)	DE (PERSONA INSCRITA)		
ENDEREZO			
PROVINCIA	CONCELLO	CÓDIGO POSTAL	TELÉFONO

EXPOSICIÓN DE MOTIVOS QUE OBRIGAN O INTERESADO A RENUNCIAR Á PRAZA ⁽²⁾

RENUNCIA: á praza que tiña adxudicada en (nome campo de traballo, campamento, actividade, ...):

que se levará a cabo na (localidade e provincia): desde o ata o polos motivos que se indican a seguir:

e SOLICITA: la devolución da cota previamente ingresada.

DATOS BANCARIOS DO INTERESADO OU DA PERSONA QUE O REPRESENTA ⁽³⁾

CÓDIGO ENTIDADE	CÓDIGO OFICINA	DC	Nº CONTA
TITULAR DA CONTA	ENTIDADE BANCARIA		
ENDEREZO			

Lugar e data , de de 200

Asdo.: (Solicitante: quen renuncia á praza)

Asdo.: (Representante: pai/nai o titor/a legal do solicitante)

- (1) Soamente no caso de que o interesado sexa menor de idade ou non dispoña de conta corrente aberta ao seu nome.
- (2) Para poder proceder á devolución da cota é preciso que a renuncia teña **entrada (rexistro)** na Dirección Xeral de Xuventude e Solidariedade, nos **Servizos de Xuventude das delegacións provinciais e oficinas locais de Xuventude da Vicepresidencia da Igualdade e do Benestar, polo menos vinte (20) días naturais antes do inicio da actividade.**
- (3) O solicitante da devolución (persoa inscrita ou representante) será o mesmo que o titular da conta que se facilita para facer o ingreso (datos bancarios).
- Esta solicitude deberá asinala o solicitante e o representante, de ser o caso, que tamén debe achegar fotocopia do seu DNI. No caso de ser o representante (pai, nai ou titor/a) quen solicita a devolución, deberá achegar ademais, fotocopia do libro de familia (follas de inscrición do matrimonio e do fillo) ou poder notarial, segundo o caso.

Director xeral de Xuventude e Solidariedade ou delegado/a provincial

Cubrinto este formulario, dá o seu consentimento á incorporación dos datos persoais achegados a un ficheiro titularidade da Dirección Xeral de Xuventude e Solidariedade e inscrito na Axencia Española de Protección de Datos, cuxas finalidades son: recompilar os datos bancarios co obxecto de proceder á devolución de cantidades aboadas polo interesado no caso de renuncia á actividade e/ou ingreso erróneo. A Dirección Xeral de Xuventude e Solidariedade, como responsable do ficheiro, comprométese a respectar a confidencialidade da información de carácter persoal e de garantir o exercicio dos dereitos de acceso, rectificación, cancelación e oposición, que se poden exercer mediante comunicación escrita, acompañada dunha copia do DNI ou pasaporte, dirixida ao seguinte enderezo: Dirección Xeral de Xuventude e Solidariedade, edificio administrativo San Caetano, s/n, bloque-III-1º, 15781 Santiago de Compostela, ou ben enviando un correo electrónico ao seguinte enderezo: lopd.xuventude@xunta.es.